

PA 3973

.B2 S5

Copy 1



0 003 047 647 5

PA 3973
.B2 S5

ILLUSTRATUR
CANTICUM EX EURIPIDIS
BACCHIS.

DISSERTATIO INAUGURALIS
QUAM
AD SUMMOS IN PHILOSOPHIA HONORES
AB
AMPLISSIMO PHILOSOPHORUM ORDINE
LIPSIENSI
RITE IMPETRANDOS
SCRIPSIT
FEODORUS MARTINUS SCHULZ
CROSSENSIS.



HALIS SAXONUM
FORMIS HENDELIIS.
MDCCCLXVIII.

PA 3973
B2S5

IMP96-003774

DOMINO AC PRINCIPI
SERENISSIMO

DOMINO
HENRICO XIV,

GENTIS RUTHENICAE CAPITI

REIPUBLICAE IMPERIUM TENENTI

HOC LIBELLUM

G R A T I A N I M I S I G N U M

ESSE VOLUIT

AUCTOR.

Chorus ex Maenadibus constans in cantici exordio (v. 64—73) Bacchum clamore laeto celebrare sibi esse in animo indicat atque omnes, ne sacrum officium impedian, adhortatur.

V. 64. Ἀσίας ἀπὸ γαίας legimus pro Ἀσίας ἀπὸ γῆς cum Hermanno metri caussa. Quae verba quid valeant, optime v. 17—19 huius fabulae explicatur. Quaeritur quomodo, quae leguntur, conectenda sint. Qui ut Elmsleius post Βρομίῳ interpungunt, cum θοάζω iungunt Ἀσίας ἀπὸ γαίας, nos, qui virum doctissimum nec in distinguendis enuntiatis, nec in explicanda vocabuli θοάζειν notione sequimur, verba illa sic putamus dicta esse, ut locum indicent, ex quo chori personae profectae sint (cfr. Krueger, griech. Sprachlehre I. §. 68, 16. 5); cum ἀμείψασα enim voce cohaerere non possunt. — ἀμείβειν respondet Latino „mutare;“ accusativo adiecto ea res significatur, quae mutando relinquitur; sic loci, quo antea homines, de quibus agitur, versabantur, accusativus occurrit in Soph. Phil. 1262. Trach. 655. Eur. Orest. 1295. Iph. Aulid. 144. Alium usum ἀμείβειν verbi cernimus in huius fabulae v. 4; nam μορφηὶν βροτησίαν mutando non reliquit, sed assumpsit Bacchus; similiter dictum est: πόσιν ἀντὶ σῆς ἀμείψαι ψυχῆς (Eur. Orest. 461). — Verbi θοάζω explicationem accuratissimam dedit Erfurdcius ad Soph. Oed. R. v. 2 demonstrans petendum esse vocabulum ex θοός, *celer*, ut sit *festinare* et θοάζειν πόρον vertit: *urgere*

vel *festinare laborem*. Quod paullo longius progressi red-
dere possumus: *festinanter et ideo studiose peragere labo-*
rem; A. Matthiae aliquanto liberius exponit: *saltationem* (in
honorem Bacchi) *furore Bacchico percita perago*. Ac
nostrae quidem explicationi Hesychius favet, quum ἀνύω,
τελῶ voces ad θοάζειν explanandum adhibuerit. — Iam sa-
tis apparet nos eorum partes sequi, qui πόνον ἤδὺν cet. accu-
sativos obiecti locum tenere et cum θοάζειν coniungendos esse
censent (cfr. Eur. Orest. 335. Iph. Taur. 1112. Herc. fur.
383). Alii cum Elmsleio θοάζω absolute positum esse pu-
tantes interpretantur: κινεῖμαι, μεθ' ὁρμῆς φέρομαι (Hesychius:
χορεύειν, σκιρτᾶν, πλανᾶσθαι, θεοφορεῖσθαι), quae significatio
defenditur v. 215, Orest. v. 1542, compluribus aliis locis ab
Elmsleio collectis. Quam qui amplectuntur interpretationem
πόνον ἤδὺν cet. ἐπεξήγησιν esse iudicant, quales leguntur
v. 30. 246. 1224. Qua appositione ad praecedentem senten-
tiam referenda non raro usos esse poëtas, inprimis Euripi-
dem (cuius plura exempla attulit Pflugkius ad Hec. 1074.
Androm. 291. Hel. 77) grammaticorum auctoritate constat.
(Cfr. Bernhardt, wissenschaftliche Syntax p. 127. Krueger,
I. §. 57, 10. 10 [II. §. 57, 10. 6]). Sed tales appositiones
nec multa verba complecti solent, nec gravia, id quod ad
hunc locum non pertinere videmus; praeterea eo offendi-
mur, quod, quum alias fere semper ἐπεξηγήσεις illae in fine
enuntiatorum ponantur, hic sequuntur etiam verba Βάκχιον
εὐαζομένα, quae satis languida videntur esse Elmsleii sen-
tentia probata; nostra autem interpretatione servata neces-
sariam quandam illius θοάζω explanationem exhibent; in eo
enim cernitur labor ille, ut Bacchum celebrent Maenades. —
Βρομίῳ Elmsleius reddit ὑπὸ Βρομίον sc. κινεῖμαι collato
v. 121. οἰστρηθεὶς Διονύσω; at ipse „praestare,“ inquit
postea, „videtur altera dativi Βρομίῳ interpretatio in hono-

rem Bacchi scilicet cuius exemplum exstat Hel. 1364 βακχεύ-
ονσά τ' ἔθριφα Βρομίῳ καὶ παννυχίδες θεῶς. — Praeferen-
dus est profecto hic interpretandi modus, praesertim quum
θεοῶν verbis in re sacra adhibitis adnumerandum sit, quae
praecipue a poëtis sic usurpata esse docet Bernhardy p. 86.
— Schoenius τὸν πόνον scripsit, articulo coniectura recepto,
ut strophae metrum antistrophae omni ex parte responderet;
defendit lectionem suam dicens articulo significari usitatum
illum laborem (τὰ αὐτὴ νομισθέντα v. 72), quo deum cele-
brent Bacchae, id quod videtur probari posse. — In verbis
πόνον ἥδ' ὃν κάματόν τ' ἐνκάματον — ὀξύμωρον exemplum
habemus, si sententiam respicimus; sed hic locus ab aliis,
qui vulgo commemorari solent, differt eo, quod ἥδ' ὃν et ἐνκά-
ματος non habent vim negativam, quum alibi saepissime
substantivis iungantur adiectiva ab ipsis et α στερητικῶ com-
posita, ut in Eur. Hel. 362. 690. Hec. 612, etiam in notis
illis τάφος ἄταφος = insepulta sepultura (Cic. Phil. I. 2. 5).
Non multum discrepant ab hoc exempla Eur. Phoen. 185
μεγαλαγορίαν ἐπεράνορα et v. 1553. πόδα τυφλόπονν. Talium
vocabulorum maximi ponderis est ea syllaba, qua alterum
ab altero distinguitur. — Quae sequuntur Βάκχιον εὐαζο-
μένα habent omnes codices; B (Pal.) nihil praeterea addit;
sic etiam C (Laur.) a prima manu, sed a secunda τὸν Βάκ-
χιον εὐαζομένα θεόν. — τὸν facile falso adiici poterat repe-
tita ultima vocis praecedentis syllaba, θεόν facile omitti,
quod saepe per simplex Θ scribebatur. Tamen haec scri-
ptura minus probanda est, quia Βάκχιον θεόν, quum aliis locis
(v. 191. 520. 598. 1081. 1116. 1137. 1181) breviter Βάκχιος
dicatur, sine caussa dei nomen nimis latum exhiberet.
Quod vero Hermannus postulavit, θεόν ut retineretur, quia
in principio carminis maxime dici debuisset, deum esse,
quem chorus celebraret; haec magis congruunt cum ἀζομένα

quod contra libros recepit vir doctissimus, quam cum *εὐαζομένα*. Ad illud enim, quum sit „venerans“ satius definiendum praeter obiectum *Βάχχιον* requirere possit aliquis accusativum praedicativum *Θεόν*, qualis ad *εὐαζομένα* propter notionem ipsam, de qua statim dicemus, addi non poterat. *εὐαζομένα*: „verbum,“ inquit Hermannus, „vix alibi reperias media forma usurpatum.“ — Sed ideo non reiicienda est codicum auctoritas. Quum *εὐάζω*, quod legitur in v. 1026, valeat: *εὐα* clamo, tum omnino: Bacchicum clamorem edo; forma media eadem significatione poni potest. Commode Elmsleius laudat v. 159 *εὐία τὸν εὖιον ἀγαλλόμεναι Θεόν*, ubi item media pro activa forma usitatioe reperitur. Ut in hoc exemplo sic etiam ad *εὐαζομένα* accusativum adiectum videmus, qui potest esse obiecti casus, qualem ex activa forma pendentem invenimus apud Athen. IV. 175 d. *εὐάζων μελωδὸν χορόν*. Concessa ergo transitiva notione optime reddemus *εὐάζεσθαι*: clamore laeto celebrare Bacchum.

v. 69—73. Recipienda est codicis Pal. scriptura: *τίς ὁδῶ; τίς ὁδῶ; τίς μελάθροισ;* omisso δὲ Aldinae editionis post tertium *τίς* posito. Chorus quum se Bacchum celebrare velle nuntiet, ut omnia recte se habeant, studet efficere. Quaerit igitur: *τίς ὁδῶ;* cet. Interrogatio quodammodo anxia et sollicita profertur, id quod repetito illo *τίς ὁδῶ;* exprimitur. — Quae deinde leguntur *ἔκτοπος ἔστω* — ad eos pertinent, qui tum forte in publico erant et occurrere poterant (Brunck); non igitur opus est Musgravii coniectura *ἄκτυπος ἔστω*, quibus verbis nihil aliud indicatur, nisi quod statim melius redditum invenimus: *στόμα τ' εὐφημον ἅπας ἔξοσιούσθω*. Cuius enuntiati sententiam esse: *favete linguis* (*εὐφαιμεῖτε δὲ πανδαμί* Aesch. Eum. 1039) neminem fugit. Singula explicare aliquanto est difficilius. *εὐφημον* non attributi, sed praedicati locum tenens significat effectum *τοῦ ἔξοσιούσθαι*.

Itaque προληπτικῶς dictum est, ut in Aesch. Agam. 1247 εὐφημον, ὃ τάλαινα, κοίμησον στόμα. — εὐφημος vocabulum rei sacrae proprium est, primum ad negotia boni ominis notanda usurpatum; tum ut εὐφημία in deorum cultu σιωπῇν, silentium sacrum, designat, ita os εὐφημον dicitur, quod pie attento in sacra animo silens verba ritus solennes perturbantia non profert. Cui descriptioni ut respondeat, oportet unumquemque ἔξοσιοῦσθαι στόμα. Verbum compositum eandem vim videtur habere atque simplex ὀσιοῦσθαι nisi quod ἔξ praepositione indicatur omni ex parte perfectam atque absolutam cogitandam esse simplicis actionem ut in ἔξημερῶσαι γαῖαν (Eur. Herc. fur. 20) et ἔξεφθαρμένη (Hec. 669). Iam videamus, quid valeant ὀσιοῦν et ὀσιοῦσθαι; ducta sunt haec vocabula ex adiectivo ὀσιος, quo res non quidem diis sacrae, quae ἱερὰ nominantur, sed quamvis profanae tamen lege divina sancitae, huic legi respondentes significantur; id quod optime demonstratur Eur. Orest. vv. 546. 547 ἐγὼ δ' ἀνόσιός εἰμι μητέρα κτανών, — ὀσιος δέ γ' ἔτερον ὄνομα τιμωρῶν πατρὶ; audiatur etiam Plato, qui scripsit in Euthyph. 6. E. ἔστι τοίνυν τὸ μὲν τοῖς θεοῖς προσφιλὲς ὀσιον, τὸ δὲ μὴ προσφιλὲς ἀνόσιον. — Ὀσιοῦν ergo est efficere, ut aliquid legibus deorum sive institutis sacris respondeat; media autem forma ita uti possumus, ut valeat aut: se ὀσιον reddere ritibus solemniter peractis et deinde: rite se gerere — atque hanc vim postea v. 117 habet — aut: sibi, in suum commodum ὀσιον reddere, quam huic loco aptissimam putamus esse notionem. — ἅπας additur, ut appareat moneri et eos, qui in aedibus erant, et eos, quos chorus antea ex via cedere iusserat, ne vocibus male ominatis (δυσφημοῖς) sacra impedirent. Euripidem patet poëtico more immutasse formulas usitatas: ἔξίτωσαν οἱ βέβηλοι et εὐφημέϊτε. — Quae sequuntur verba non sine vitio videntur

tradita esse; nam quae leguntur in codd. optimis: τὰ νομισθέντα γὰρ αὐτὸ Διόνυσον ὑμνήσω, neque metro strophae conveniunt, neque bene videntur explicari posse. Primum metrum spectemus; Hermannus qui in strophā legit: — χιον ἄζομένα θεόν, in antistrophā praebebat: Διόνυσον ὑμνήσω, quae ideo inter se congruere affirmat, quod ὑμνήσω primam syllabam corripit; exempla autem, quae in medium profert, non videntur sufficere. At vel concessa Hermannī sententia nos uti non possumus, quia restituimus in strophā Βάκχιον εὐαζομένα. Ille clausulam versus constare dicit ex anapaesto et Ionico a min., nos trimetrum ex Ion. a min. compositum catalecticum credimus esse, cuius finis omnino non potest sic formari: ~ — ~ | ~ —. Prorsus metricis rationibus coniectura Nauckii κελᾶδῶ sufficit; placet magis etiam quam quod Schoenius Hermannō auctore recepit κελᾶδῶ, quoniam antea quoque habemus praesens θαάζω, non futurum. Iam de verbis videamus. Disceptatur inter viros doctos, ad quod vocabulum αὐτὸ referendum sit. Atque Hermannus quidem neque eum τὰ νομισθέντα, neque cum ὑμνήσω apte coniungi posse illam voculam contendens, Iacobsius (vid. eius Animadvers. in Eur. trag. Goth. 1790 p. 106) secutus εὐοῖ, quod βακχικὸν ἐπίφθεγμα appellat Harpocratio, recepit. Quod si quaeris quomodo explicandum sit, aut εὐοῖ ὑμνεῖν notionem τοῦ εὐάζειν repetit, id quod satis languidum est, aut εὐοῖ exclamationis locum tenet, ut infra v. 144, qualem, quum nimis vehemens et concitata sit, huius carminis color non aptam ducimus. Alteram coniecturam hanc Iacobsius proponit: ὦνα i. e. ὦ ἄνα, Διόνυσέ, σ' ὑμνήσω; „quoniam,” inquit, „in quibusdam codicibus ἄνὰ legitur.“ Sed minus etiam probamus hanc lectionem, quia neque metro convenit, neque caussa afferri potest, cur hic subito chorus ad deum ipsum se convertat, quum eiusmodi compella-

tio in toto cantico non inveniatur. Denique Brunckius ἤδη scribere voluit pro αἰεί, „quod depravatum ex ἀνὰ incertum,“ inquit, „utro referatur, cum τὰ νομισθέντα non melius quam cum ὑμνήσω coniungitur.“ Alterum frigidum esse concedimus; sed non persuadebit nobis Brunckius τὰ αἰεί νομισθέντα ideo non conectenda esse, „quod Maenades de his sacris adeo recens institutis dicere non possint, se κατὰ τὰ αἰεί νομισθέντα quidvis eorum peracturas esse.“ — αἰεί enim vocabulo tempus diuturnum significari oportere negamus; praeterea, si poëtam nostrum audimus, re vera magnum temporis spatium praeterlapsum esse ut credamus, impellimur, quum v. 13—17 regiones terrae plurimae commemorentur, quas Bacchus et cum eo πάρεδροι καὶ ξυνέμοροι Μαινάδες (v. 57) iamiam adierant; toto autem illo tempore i. e. αἰεί facere consueverant, quae hic indicant. — Servamus ergo et coniungimus τὰ νομισθέντα αἰεί, i. e. quae facere soliti sumus, usitata, solemnia. — Quaeritur deinde, quomodo ea, de quibus diximus, cum ὑμνήσω vel κελαδῶ cohaereant. Duplex hic accusativus verbo adiectus est; alter Διόνυσον obiecti est; alter τὰ αἰεί νομισθέντα, quae carminibus ad Bacchum celebrandum cantatis continentur, exprimit. (Cfr. Bernhardy p. 121, Krueger II. §. 46, 12. 1.) Itaque τὰ αἰεί νομισθέντα verbis notantur laudes dei ipsius et eorum, qui sacrorum Bacchi participes facti sunt, quales in strophis sequentibus inveniuntur.

v. 74—80. Quae ab optimis libris exhibentur et Strabonis (lib. X. c. 3. p. 469) auctoritate defenduntur verba ὃ μάκαρ, ὅστις ἐνδαίμων olim parum placuerunt viris doctis propter ingratam eiusdem notionis, quae videbatur, repetitionem. Inficetam vulgatam lectionem nominat Brunckius; „ἐνδαίμων superfluum, ni fallor,“ Musgravius inquit, „epitheton praecedente μάκαρ.“ — Omissis aliorum coniecturis

(*εὐδαίμονα, εὐδαμόνων*) aut frigidis aut metro non aptis, examinemus solam Musgravii *αἰδήμων*; quod vocabulum, quum sit: pudens, pudicus, verecundus; nemo est, quin videat, minime huius loci sententiae convenire; nam nec cum *εἰδώς*, nec cum *βιοτὰν ἀγιστεύει* bene coniungitur, propterea quod neque in Rheae, neque in Bacchi sacris verecundia inprimis requirebatur. Nihil vero opus est ad coniecturas confugere, quum verba nostra optime ab Elmsleio explicata sint. „Minime,“ inquit, „supervacaneum est *εὐδαίμων*, quippe quod *θεοφιλῆς* significet, vel potius peculiarem habeat sensum, quo Numa verbi caussa in deorum familiaritatem admissus *εὐδαίμων ἀνὴρ καὶ τὰ θεῶα πεπνυμένος* dicitur a Plutarcho p. 61. A. Idem paullo post Endymionem aliosque simili fortuna usos *εὐδαίμονας καὶ θεοφιλεῖς* appellat. *Εὐδαίμονες* igitur *οἱ μεμνημένοι*, de quibus loquitur noster, non solum, quia felices sunt, sed etiam, quia maiore quam ceteri mortales rerum divinarum scientia praediti.“ — *μάχαρ* et *μακάριος* latius patent et accuratissime nostro: *selig* exprimuntur. — Si pluribus verbis ut, quae legantur, ostendamus, postulabitur, dicemus: Beatus ille est, qui diis propitiis, ut sacrorum solemnibus initiatur, assequitur. Non raro coniunguntur *μάχαρ* et *εὐδαίμων* in Plat. Republ. I. 354. A. Theog. 1013 cfr. praeterea Iph. Aul. 159 sq. 904. — *τελευταὶ* simpliciter sacra, ut in v. 22. 234. 256, non initiationem significant hoc loco; *θεῶν* autem positum est, quod statim praeter Bacchi etiam Cybeles orgia commemorantur. — *ἀγιστεύει* pro *ἀγνέει* dictum esse affirmat Elmsleius (Hesychius = *ἀγνέειν, σέβειν*; Suidas = *ἀγιάζειν*). Propria eius vis est: *sanctum ritibus divinis servatis se gerere, pie vivere*; transitive usurpatum valet sive: *sanctum reddere sive purificare, purgare* (*χεῖρας φόνου* Pausan. X. 6. 7). — *θιασέεται* Reiskius sine dubio liberius explicans dicit idem esse atque *θειάζεται*: fit plenus

deo. *Θιασεύειν* significat *Θίασον ἄγειν* (cfr. v. 375) atque inde: participem esse sacrorum Bacchi sive alius dei. *Θίασος* autem aliqua ex parte iam iis declaratur, quae v. 56. 57 leguntur; praeterea interpretes afferunt verba Harpocrationis: *Θίασός ἐστι τὸ ἀθροιζόμενον πλῆθος ἐπὶ τελετῇ καὶ τιμῇ θεῶν* — et Athenaei p. 362. E. *καλεῖται δὲ καὶ ὁ τῷ Διονύσῳ παρεπόμενος ὄχλος Θίασος*. — *Θιασεύεται ψυχάν*. Forma media cum accusativo coniuncta valet sive: animam suam thiasi particeps consecrat; sive: patitur animam initiari thiaso. Cum his arte conectenda sunt *δόσις καθαρμοῖσιν* — sic enim legimus cum Elmsleio, Hermannō, aliis metri caussa contra librorum *δόσισι καθαρμοῖσι* — nec dubitamus, quin recte Schoenius dixerit has purgationes legitimas in eo ipso ponendas esse, ut *Θιασώτης* (v. 359) aliquis fiat. Firmatur haec sententia verbis *ἐν ὄρεσσι βακχεύων*, quae superiorum explicandorum caussa adiecta videntur. De forma *ὄρεσσι* — libri praebent *ὄρεσι* — adeundus Pflugkius ad Eur. Alc. 230 (cfr. Krueger II. §. 17, 4. 1).

In vv. 80—84 de rebus a Bacchi cultu prorsus alienis agi videtur; nam mater magna atque eius orgia commemorantur. Sed necesse est meminisse Bacchi et Cybeles sacra fuisse coniunctissima, id quod cum ex hac ipsa Euripidis tragoedia tum ex iis cognoscitur, quae fabularum scriptores memoriae prodiderunt. A Iove enim, quum Bacchum peperisset, puerum ut Iunonis insidiis subtraheretur et tuto educaretur aut nymphis Nysaeis aut, ut hic Euripides videtur fingere, Rheae in Tmolo monte cultae sive Cybelae Pessinuntiae traditum esse narrant (cfr. Preller I. p. 505. 546). Hoc certe constat Bacchi et matris magnae orgia inter se simillima fuisse, qua de re statim plura cognoscemus, et ideo saepe inter se confusa esse. De Cybele cfr. Strabon. lib. X. 3, Preller I. p. 504. — Legimus *Θεμιτεύων* cum Mus-

gravio, Elmsleio, Hermannō, aliis, quod *θειμυστεύων* metro adversatur; valet autem: legitime, rite peragere. — In vocibus *ἀνὰ θύρσον τε τινάσσων* occurrit tmesis, qualem eiusdem verbi habemus in Eur. Orest. 341, eiusdem praepositionis in huius fabulae v. 171 et in Orest. 1416 sq., similem mox (v. 99) *κατὸ μηρῶ δὲ καλύψας*; sed in v. 544 huius tragoediae aut legendum est *τινάσσων, ἄνα, θύρσον*, aut *ἀνὰ* pro adverbio *ἄνω* accipiendum. — Pro librorum verbis *κισσῶ τε στεφανωθεῖς*, quae illustrantur vv. 201. 319. 695, Hermannus Strabonis auctoritatem, qui *τέ* omisit, secutus metri caussa *κατὰ κισσῶ στεφανωθεῖς* posuit. Sed coniunctionem inviti desideraremus; molossus contra locum Ionici a min. tenere potest. — Hedera in sacris Bacchi sectatores usos esse nonnulli putant, quia ob frigiditatem ebrietati obsisteret; mea quidem sententia, quod folia et bacas pampino et uvis non dissimilia profert (itaque Soph. Oed. Col. 674 scripsit *τὸν οἰνῶπα νέμουσα κισσόν*), adhibita est; hoc etiam non praetereundum esse opinor hederam per totum annum ornatum viridem praebuisse, quum vitis praesertim iis mensibus, quibus Athenis Baccho dies festi agebantur, foliis careret. Aliam illius usus caussam ex fabulis petitam proponit Ovidius in Fast. III. 767 sq.

v. 85—90. Baccharum nomen hic non pertinere ad mulieres Thebanas, ut in v. 51, sed omnino ad comites Bacchi eo quod, ut deum ex Phrygiae montibus deducant, adhortantur, perspicuum est. *Βρόμιον* cum *θεὸν* coniungendum adiectivi locum tenet, non nominis proprii; vocabulum petendum ex *βρόμος* et *βρέμω*, cui cognata sunt fremo et brummen, significat deum quasi strepentem sive tumultuantem, quem comites per montes silvasque vagantes clamore laeto prosequuntur. Cfr. Hom. hymn. 27, 7. — *θεὸν θεοῦ*: sic saepe eiusdem vocis casus diversos alterum ad alterum

proxime apponi satis notum est; cfr. Alc. 803. Heracl. 611. — *κατάγειν* deducere proprie hic usurpatum est propter verba *ἔξ ὁρέων Φρυγίων*, de quibus iam antea diximus. — *εἰσυχόρους* quod metrum postulat, habet B ante correctionem, ceteri libri *εἰσυχώρους*. Veram lectionem restituit Barnesius. Vocem saepe in Homeri carminibus occurrentem explicat Scholiasta ad Od. ζ, 4 *ἐν ᾗ ἔστιν εἰσὺν χορεύειν*. — *ἀγνυαὶ* commemorantur, quod per vicos Baccharum pompae incedebant cfr. Eur. Herc. fur. 782. Soph. Antig. 1130 sq. —

v. 91—107. Chorus describit, quomodo Bacchus natus sit. Fabula notissima a plurimis est narrata; cfr. Schol. ad Iliad. ζ, 323. Apoll. 3, 4. Hygin. fab. 179. Ovid. Metam. 3, 253 sq. — Spectemus singula: *ὃν ποτ'* verba referenda ad *τὸν Βρόμιον* pendent aut ex *ἔτεκε μάτηρ* aut ex *ἔχουσα*, ad alterutrum vero intelligendum est *αὐτόν*. Matthiae *ἔχουσα* reddit: *quem cum utero ferret* — laudato Herod. V. 41 (6). Integram locutionem invenimus apud Herodotum III. 32 (20): *τὸν δὲ θυμωθέντα ἐμπεδῆσαι αὐτῇ ἐχούσῃ ἐν γαστρὶ*. Quam si probas interpretationem, *ἐν ὠδίνων λοχίαις ἀνάγκαισι* de tempore accipias (cfr. Krueger I. §. 48, 2. 8) et artissime cum *παμένηας Διὸς βροντᾶς* coniungas necesse est. At profecto languidius et fere supervacaneum hac explicatione admissa *ἔχουσα* videtur esse, quum *ἔτεκε* vocabulo satis doceamur Semelen gravidam fuisse. Magis igitur placet alter explanandi modus, quo *ἔχουσ'* ἐν ὠδίνων λοχίαις ἀνάγκαισι consociata redduntur: quum versaretur in partus puerperis laboribus; nam *ἔχειν* ἐν *τινι* formula statum quendam significari et usurpari *ἔχειν* intransitive pro *εἶναι* etiam sine adverbiiis (*ῥέμα, ῥεσυχῇ, καλῶς* cet.) docent grammatici (Krueger II. §. 52, 2. 3). Itaque non opus est Musgravii coniectura *πόδ' ἔχουσ'* ἐν cet. pedem habens in cet. (vid. Eur. Hel. 76), qua nimirum simpliciore totum locum fieri agnoscimus. —

ᾠδῖνες sunt proprie dolores parturientis; hic autem ut saepe melius de partu ipso vocem illam interpretabimur propter verba ἐν λοχίαις ἀνάγκαισι, quae valent: in angustiis, molestiis, doloribus ad partum pertinentibus, pariendo motis sive excitatis. — Fatemur notiones similes coacervatas non valde placere, nisi poëtam summum doloris gradum describere voluisse iudicamus. — Ut hic ἔκβολον νηδύος, sic Eur. Phoen. 811 βρέφος ἔκβολον οἴκων. — αἰὼν hoc loco et in v. 393 significat vitam. Audias Hesychium a Pflugkio ad Alcest. v. 337 (cfr. 475) laudatum: αἰὼν· ὁ βίος τῶν ἀνθρώπων, ὁ τῆς ζωῆς χρόνος. — Pro lectione recepta κεραυνίῳ πλαγῇ, quam Bothius interpretationem ἄμετρον vocis poëticae κεραυνοπλαγῇ, cuius exempla non affert, dicit, cod. Pal. habet κεραυνία πληγῇ, unde Kirchhoffius recte κεραυνίῳ πληγῇ restituit; videas v. 6. 237 Soph. Antig. 1139. Hermannus praetulit κεραυνοπληγῇ leviter mutatis strophae verbis, quae respondent ὁσίοις καθαρμοῖς scribendo, et grammatici testimonio κεραυνοπληγῇ esse Alcaei poëtae docuit; sed fere audacius αἰὼν κεραυνοπληγῇ videtur dictum esse, quamvis optime in Alcaei verbis ad personam, Vulcanum dico, referatur.

v. 97 sq. Iuppiter statim dicitur recepisse Bacchum λοχίαις θαλάμοις i. e. thalamis ad partum pertinentibus, partui destinatis, qui quales fuerint verbis κατὰ μηρῶν δὲ καλύψας cet. explicatur (cfr. v. 515). Quum sic omnia bene se habeant, non opus est ingeniosa Iacobsii coniectura λοχίαις παλάμαις i. e. manibus obstetricantibus infantem flammis eripiens. Quae sequuntur optime definiuntur iis, quae adscripsit scholiasta ad Iliad. ξ, 323 ἔξαμηνιαῖον τὸ βρέφος ὃ Ζεὺς ἐκ τοῦ πυρὸς ἀρπάσας ἐνέθροψε τῷ μηρῷ (cfr. v. 236. 518). Cuius rei miram, ne dicam insulsam explicationem invenimus in huius fabulae v. 282 sq. Miram quoque imaginem praebet descriptio χρυσέαισι ξυνερείδει περόναις; sic enim legere malu-

mus pro *χρονσέαισιν συνερείδει*, quia haec propter syllabas *σιν* et *συν* collidentes sonum minus gratum efficiunt et libri non repugnant. De forma *ξυνερείδει* vide quae adnotavit Elmsleius ad v. 52 v. 102 sq. Alterum (cfr. v. 95) *ἔτεκεν* indicat iterum natum esse Bacchum eo tempore, quo prodiit ex patris femore, unde eum *Αιθυράμβου* nomen accepisse monet Etymol. magn. s. v. *Αιθίραμβος*. Plurimi interpretes vocabula *ταυρόκερων θεόν* ad *τέλεσαν* rettulerunt; nobis aptior Kirchhoffii videtur distinguendi ratio, qui scripsit: *ἔτεκεν δ', ἀνίκα Μοῖραι τέλεσαν, ταυρόκερων θεόν*; nam sic extrema verba obiecti locum ad *ἔτεκεν* referendi tenent, quo tota oratio efficacior fit; qui modo *νηδύος ἔκβολος* fuerat, nunc *ταυρόκερως θεός* prodit. — Iam videamus de epitheto *ταυρόκερως*. Primum comparanda sunt, quae similia in hac fabula leguntur, in vv. 914 sq. 1010. 1151. Quibus omnibus ad Bacchum relatis cognoscitur huic deo tauri speciem poëtam tribuisse. Talia vero non solum ab Euripide excogitata esse, sed omnino in huius dei cultu cerni, testes sunt Plutarch. de Isid. et Osir. 35. Athen. II. 7 (38 d) XI. 51 (476 a). — Fuerunt haec tauri imago et cornua paullum prominentia, quibus instructum caput humanum Bacchi fingi solebat (cfr. Preller I. p. 560), virium procreando conspicuarum signa, quae eadem non solum in Aegypti et Asiae diis, quibus quodammodo Bacchum adnumerare licet, sed etiam apud Graecos in fluminum numinibus occurrunt. Inde *ταυρόκερως, βοόκερως Ἰαχχός* (in Soph. fragm. ab Elmsleio ad v. 109 laudato) *ζερατίας* (Diod. Sic. IV. 4), *χρονσόκερως* (cfr. Hor. Carm. II. 19, 31). Dionysus appellatur. — Alterius signi, quo in Bacchi cultu utebantur, mentio in verbis sequentibus fit. Poëta enim a Iove patre draconum coronis coronatum esse filium contendit, unde i. e. quod Iuppiter hoc fecerit, Maenades crinibus suis talem capturam circumiicere soleant.

Qua narratione, id quod non raro in rebus sacris cernitur, ad morem quendam, cuius origo latuit, explicandum novam fabulam inventam esse credibile est. Hoc certo constat Graecos in Bacchi orgiis anguibus quibusdam innocuis usos esse. De quo cultus genere atque origine disputat Preller I. p. 549 sq. Grammaticam horum verborum rationem bene exposuit Hermannus, ἄγρην non subiecti, sed praedicati locum tenere affirmans; nam ex δρακόντων praedente δράκοντας intelligendum est. Vertit igitur: „Unde eos (i. e. dracones) captos Maenades crinibus innectunt.“ (Cfr. Hor. Carm. II. 19, 19). Neque vero in hoc usu acquieverunt Bacchae, sed ut v. 691 demonstratur, fibularum etiam vice angues gerebant (cfr. Catull. 64, 258). — Pro Aldina lectione θηροτρόφοι, quae eadem Pal. libri videtur esse, Brunckius ex codd. Par. θυρσοφόροι, quod Laur. quoque habet, recepit. θηροτρόφος (= ὀφιοτρόφος Brodaeus), pro quo non bene Musgravius κηροτρόγον i. e. letiferam (sc. praedam) proposuit, invenitur praeterea in v. 547, et non minus fere idem locus tuetur formam θυρσοφόροι, quam praebet etiam Eur. Cycl. v. 64. Atque nobis quidem magis probatur θυρσοφόροι, quum quamquam optime mons Nysa feras alere dicitur (v. 547), non item a Maenadibus angues nutritos esse verisimile sit.

v. 108 sq. Thebarum incolis ad Bacchi cultum evocatis descriptio accuratissima rerum omnium in orgiis necessariarum a choro datur. — Ut hoc loco Thebae, sic alibi quoque urbes pro incolis appellantur; in adiectis Σεμέλας τροφοὶ verbis caussa quodammodo latet, qua ut Bacchum celebrent, commoveantur. — βρούειν proprie valet: *tumere, turgere*; tum item de arboribus usurpatum: *progerminare, pullulare*; denique effectum harum notionum significans potest esse: *vestitum, tectum esse germinibus sive surculis*.

Dativis additis res, qua tegi iubentur Thebanae mulieres, indicatur. In verbis exarandis differunt interpretes; alii *χλοήρει*, alii *χλοηρεῖ* commendant; neque magis codices consentiunt; nam B habet *χλοηρεῖ*, C *χλοηρεῖ^α*, E *χλοηρεῖ*, G *χλοηρεῖ^α*. Si accentus ubique in ultima syllaba positos respicias, fortasse iam rectius legendum esse *χλοηρεῖ* censeas. Sed multis placuerunt, quae Hermannus scripsit: „Quum *χλοηρὸς* nullam nisi a Christo patiente (v. 675) auctoritatem habere videatur, *χλοήρης* autem quum aliorum similium vocabulorum comparatione, tum Sophocleo *κισσήρης* defendi possit, non dubitavi praeferre *χλοήρει* codicum fide non nisi in accentu errantium.“ — Recepit ergo vir doctissimus vocem, quae omnibus testibus destituta est, pro altera, quae unius certe scriptoris testimonio firmatur. Atque eius nobis quidem ideo gravissima videtur auctoritas, quod eum huius tragoediae verba persaepe in usum suum convertisse satis constat. (Cfr. Philolog. 1853. p. 78 sq.) *χλοηρὸς* ut *χλωρὸς* colorem viridem plantarum recentium significat; tamen fortasse melius hoc loco recentis quam viridis vocabulo interpretabimur, id quod apparebit, quum de smilace dixerimus. — Quia B praebet *μίλακι*, C σ in initio additum a correctore videtur habere, Elmsleium, Fixium, Kirchhoffium sequimur *μίλακι* scribentes, quamquam Hermannus *σμίλακι* formam probat, quippe quae plenius sonans antiquior et minus vulgaris sit. Nihilominus ut convolvulum *μίλακα* esse affirmemus, id quod vir doctissimus a quibusdam discrimine falso inter utramque formam constituto factum esse demonstrat, non adducimur explicatione, quam Schoenius dedit ad v. 111. Perspicientes enim Plinii locum allatum (hist. natur. XVI. 63 [35] Bip.) hoc smilacis genus hederæ simillimum, accuratius *σμίλαξ λεῖα* dictum, infaustum omnibus sacris et coronis appellari cognovimus; „quoniam“ (smilax), Plinius

inquit, „sit lugubris virgine eius nominis propter amorem iuvenis Croci mutata in hunc fruticem. Id vulgus ignorans plerumque festa sua polluit, ederam existimando.“ Quamobrem taxum putamus ab Euripide mali ominis profecto non ignaro commemorari, quae quum semper vireat, languidius viridis quam recens vocaretur. — Alterum epitheton καλλι-
κάρπις a Brodaeo explanatur: „pulchros racemos producenti; corymbi vocantur.“ Tales re vera in convolvulo illo cerni docet Plinius l. l.: „Fert racemos labruscae modo non ederae, colore rubro.“ Taxum autem baciferam appellat (XVI. 20 [10]). Sed quum καλλικάρπος nihil aliud sit quam „pulchros fructus habens,“ bene etiam de bacis taxi poni poterat, neque dubitanter Brodaeus falsam esse explicationem affirmamus, quippe quae a falsa illa opinione hoc loco convolvulum nominari profecta sit. — Monere liceat, ne praeter eas vocabulorum ordinem quendam congruentem, quo ab initio κισσὸς ut μῖλαξ, tum δρυὸς ἢ ἐλάτης κλάδοι coniunguntur, ita, ut si taxum esse credis, μῖλαξ simillimis pini ramis opponatur, hedera quercus foliis respondeat. — Quae sequuntur cum plurimis interpretibus ex Pal. libri auctoritate ἢ ἐλάτης κλάδοισι scribenda esse ducimus, cui rationi metrum non obstat, ut recte monet Brunckius. Nostram lectionem tueantur necesse est, qui cum Lobeckio (ad Soph. Aj. p. 360) καταβαρχιοῦσθαι simpliciter: coronari interpretantur, quum non dicatur στεφανοῦσθαι ἔν τινι. Ad quem explicandi modum defendendum vocat vir eruditissimus Hesychium, qui scripsit: Βαρχῆν, ἐστεφανοῦσθαι atque Ἰάκχα, στεφάνωμα εὐῶ-
δες —, et schol. ad Aristoph. Equit. p. 511, ubi haec leguntur: Βάρχον δὲ οὐ τὸν Διόνυσον μόνον ἐκάλουν, ἀλλὰ καὶ πάντας τοὺς τελοῦντας τὰ ὄργια Βάρχους ἐκάλουν, οὐ μὴν ἀλλὰ καὶ τοὺς κλάδους, οὓς οἱ μῦστοι φέρουσιν. Nequaquam totam hanc disputationem doctissimam contemnendam esse conten-

dimus; attamen indicia quasi quaedam desideramus, quibus additis nec unde petatum sit *καταβακχιούσθαι* vocabulum, nec quo sensu forma eius accipienda sit, lateat; hoc dicimus: quum verbis in *όω* exeuntibus omnino significetur: *reddere aliquem talem, qualis voce, ex qua ducuntur, declaratur* (sic *δουλόω, ἐλευθερόω, δούω*, alia); *καταβακχιούσθαι* proprie debet valere *Βάκχον γήγνεσθαι*, eo sensu, quo scholiasta supra laudatus *τοὺς τελοῦντας τὰ ὄργια Βάκχους* nominatos esse affirmat; et hinc, quod non multo differt: *bacchantis partes agere, bacchantis modo se gerere, Bacchico more uti*. (Cfr. *βεβαρβάρωσαι* in Eur. Orest. v. 485 = barbarus factus barbaris moribus uteris). Quod quomodo perpetretur, *δρουός ἢ ἐλάτας κλάδοις* verbis demonstratur, scilicet coronis querceis sive pineis capiti impositis. Simillimum verbi simplicis usum spectare licet in loco Sophocleo (fragm. 94) ab Elmsleio ad v. 109 laudato. Pinum Rheae certe sacram fuisse, cuius orgia cum Bacchi miscebantur, docet Preller I. p. 510. De quercus in sacris Bacchicis usu nihil habemus, quod afferamus, nisi huius fabulae v. 695.

Cum optimis editoribus e variis librorum vestigiis restituere placet *στικτῶν τ' ἐνδυτά*, quum *ἐνδυκτάν* Pal. cod. vitiosum, *ἐνδυτάν* Aldinae editionis littera prima *ν* vocabuli sequentis adiecta ex *ἐνδυτὰ* depravatum esse videatur, *ἐνδυτὸν* denique nullo testimonio defendatur. — Multo difficilior quam de scriptura quaestio de totius loci sententia movetur. Hoc quidem neminem fugit, genitivis *στικτῶν νεβρίδων* positae materiem intelligendam esse, ex qua vestes illae conficiebantur, ut etiam *ἐνδυτὰ σαρκός* (v. 735) accipere fas est. Baceharum igitur indumenta erant pelles cervinae (Ovid. Metam. IV. 592) variis coloribus ornatae vel potius punctis insignes (cfr. v. 245. Eur. Alc. 583). Tales *νεβρίδας* i. e. *νεβρίων δέρματα* (v. 690) ut *λευκοτρίχων πλοκάμιων μαλλοῖς*

στέφειν animum inducant, Thebarum incolas chorus adhortatur. Ad haec Elmsleius: „Sensus haud dubie est νεβρίδας ξριόισι στέφετε. Quid sint ξριόστεπτοι κλάδοι omnibus satis notum est; quid autem sint ξριόστεπτοι νεβρίδες nemo monere operae pretium duxit.“ Qua expostulatione Hermannus motus est, ut interpretationem aptam excogitare studeret. „Nisi fallor,“ inquit, „pelles iubet conseri in pectore fascia lanea. Nam στέφειν proprie est *constipare, compingere, conserere*. Ita apud Aesch. Sept. 49. Eur. Hel. 1376.“ Contra haec A. Matthiae se vereri dicit, ne haec verbi στέφειν notio nullo loco comprobari possit, negans praeterea in locis ab Hermanno laudatis alia atque usitata opus esse explanatione, quae sit: *addere, appendere, quod ex parte certe cingat*. Accedit quod Hermannum ipsum fatentem audimus in operibus caelatis picturisque Baccharum pelles istas suis ipsarum partibus quibusdam prominentibus consertas conspici, non fasciis laneis, quales nimirum in thyrsis gerebant. Sed qui alteram explicandi viam obstruxit, A. Matthiae, alteram etsi non ipse patefecit, tamen Lobeckii sagacitate patefactam esse monstravit. Spectemus, quae de hoc loco attulerit vir doctissimus (ad Soph. Ai. p. 359). „Μαλλοὶ πλοκάμων,“ inquit, „significant penicillos, quibus veteres quoque suas distinguebant mastrucas. Memorabile est de hoc more Taciti testimonium de mor. Germ. 34: „Eligunt feras et de „tracta velamina spargunt maculis pellibusque ferarum, quas „exterior pontus atque ignotum mare gignit.“ — „Ars est,“ inquit Ernestius, „pelles v. c. albas nigris maculis variegare.“ — Non dissimilis memoratur Budinorum mos, quorum in lacubus animalia capi ait Herod. IV. 109: ὧν τὰ δέρματα περὶ τὰς σισύρνas παρὰ ῥόαπτεται, quamquam hic usus latius patet. Simili ratione probabile est Bacchas pelles lyneum, vulpium, damalarum interstinxisse, quae communi

nomine βασσάραι dictae sunt.“ — Haec haecenus; adiciamus viri egregii disputationi prorsus a nobis probatae, quae, ut ad eam firmandam valeant, optamus. Primum floccos lanae albae ideo adhibebant, quod et albis maculis νεβρίδων στικτῶν varietatem augebant et lanae usus in omnibus rebus sacris pervulgatus erat. (Cfr. Preller I. p. 561). Itaque στέφειν fortasse hic ut καταστέφειν in Eur. Heracl. 125 notionem adiectam habet, qua in usum sacrum distingui pelles cingendo laneis floccis indicatur. — Tum haeserit fortasse aliquis in eo, quod verbis ut a nobis factum est enucleatis Bacchae ad opus quoddam artificiosum, in quo tempus longum consumere necesse sit, perficiendum deponantur; tali enim invitationi in carmine satis turbido locum non esse. Id sane concedendum est a Bacchis iam ad orgia celebranda provocatis eiusmodi laborem suscipi non potuisse. Sed re vera scriptor chori nomine operam tantam non postulat; immo poëtico more loquens nihil aliud monet, nisi ut velleribus cervinis arte exornatis se induant (cfr. v. 689). — Denique cur in verbis λευκοτρίχων πλοκάμιων μαλλοῖς adeo offenderint viri docti, ut ea mutare non cunctati sint, mihi non liquet; nihil omnino obstitit, quominus villos sive ovium sive caprarum poëta elegantius πλοκάμους diceret atque eorum partes μαλλῶν i. e. floccorum nomine notaret. Inesse sane videtur verbis abundantia illa similium notionum, qua tragicos praeter omnes poëtas delectatos esse docet Bernhardy p. 54 (cfr. Pflugk. ad Eur. Alc. 925). Quamobrem iam negligere licet quae proposuerunt Reiskius λευκοτρίχων ποκάδων (ovium) μαλλοῖς, Musgravius λευκοτρίχων πλοκάμοις μαλλῶν, dubitanter Elmsleius λευκοτρίχων προβάτων μαλλοῖς. — Frustra quoque in iis, quae sequuntur, ἀμφὶ δὲ νάρθηκας ὑβριστὰς ὀσιοῦσθ' · vocabulum extremum coniecturis θιασοῦσθ' et ὀρσιοῦσθ' (i. e. ἐγρεῖτε) Musgravius

et Reiskius sollicitaverunt. Quod quomodo intelligendum sit, iam supra ostendimus. Nemo autem est, quin videat ὁσοῦσθαι ἀμφὶ τι esse: rite se gerere quod attinet ad aliquam rem (cfr. Bernhardy p. 245); similem constructionem invenimus in Eur. Cycl. 125 ὅσιοι περὶ ξένους. — Recte a Barnesio totius loci sententia redditur: sanctis ritibus ferulas sumite. — νάρθηξ proprie est ferula, cava atque igni recipiendo apta, quamobrem Prometheus νάρθηκοπλήρωτον δὲ θηρῶμαι πυρὸς πηγήν dicentem facit Aeschylus (Prom. 109). Quamquam a thyrso sive ex hedera (v. 25. 359. 703) sive ex alius arboris ligno fabricato νάρθηξ differt, Euripides discrimen neglexit eodem baculo, quod Cadmus manu tenet in v. 247 νάρθηκος, in v. 250 θύρσον nomine notato; immo νάρθηκα εὐθύρσον scripsit (v. 1149). — ὑβρισταὶ ferulae illae appellari videntur, — verbis utimur Elmsleii — quia ὑβρισταὶ habentur (atque ὑβριστικῶς se gerunt), qui eas gestant (cfr. v. 771). — Si punctum ponimus post χορεύσει enuntiata sic nectenda esse apparet: Statim postquam quae modo iussae estis, fecistis, toto terra i. e. Thebana choros agitabit. Quo facto quum nimis abrupta videatur oratio, nec quae sequuntur sententiam satis gravem exhibeant, si interpretamur: *Bromius est, qui choros ducit* —; malumus leviore distinctione admissa duas verborum comprehensiones proximas coniungere. Quod Hermannus dicit, ubi numeri mutentur et alia strophae pars incipiat, ibi convenientius esse etiam novae orationis initium fieri, et ita esse in antistropha; Matthiae exemplis ex Soph. Phil. allatis refutavit. Accedit, quod locum, ut vulgo legitur, ὅστις ἄγει θιάσους ab Euripide scriptum esse negamus, et quia libri (Pal. et Laur. a pr. m.) non ὅστις ἄγει, sed ὅτ' ἄγη praebent, et quia non adducimur, ut credamus ὅστις ita pro simplici ὃς ad Βρόμιος relatum usurpari posse. Dubitat enim de hac re A. Mat-

thiae et cautissime loquitur Krueger (I. §. 51. 8, 3), atque quod dicit semper aliquam certe qualitatis notionem inesse ὅστις pronomini, hoc firmatur, si quid video, exemplis et a Schoenio (Soph. Ai. 434. 1300) et a Musgravio (Eur. Alc. 659. Andr. 593) laudatis. Cur autem hic diceret poëta: Bromius talis est, qui cet.? Sic sententiarum nexus prorsus deleretur. At quum ὅστις non placeat, quid legamus? Nec ὅτ' ἄγῃ Kirchhoffii, nec ὅταν ἄγῃ Bothii metro antistrophae respondent. Refugiamus ad Elmsleii correctionem εἴτ' ἄν ἄγῃ. Sic omnia recte se habent et a librorum scriptura non longius recedimus, quam si ὅστις ἄγῃ scriberemus, quod Elmsleius veretur, ne metri caussa ex coniectura repositum sit. Altera Matthiae et Fixii coniectura Βρόμιον, quod cum χορεύσει coniungunt, sic optime carere possumus. — εἰς ὄρος repetitum est ut v. 85. 155. ἵτε Βάχαι, indicans orationis cursum incitatioem. — Θηλυγενῆς ὄχλος sunt mulieres Thebanae, quae ab opere solito abreptae in montibus bacchantur. Quae sequuntur verba facile ex libris (Pal. ἀμφ' ἰστῶν παρακεκρίδων τ'. Laur. ἀφ' ἰστῶν πῆ κεκρίδων τ'. Ald. ἀφ' ἰστὸν παρὰ κεκρ.), ut plurimi editores fecerunt, restituantur. Reiskio quidem ἀπὸ κεκρίδων τ' placuit; „nam παρὰ,“ inquit, „notat causam efficientem, quae hic erat Bacchus, non radii textorii.“ Non negamus a Baccho effici furorem illum Maenadum (cfr. v. 32); at videmus hic non παρὰ Διονύσου, sed dativum positum esse, quem cum verborum forma passiva coniunctum subiecti in activa usurpandi locum tenere docet Krueger I. §. 52. 5 et §. 48. 15, 3. Praeterea παρὰ praepositioni apud Homerum certe etiam vocabula res significantia adiiciuntur ita, ut eodem fere modo, quo ἀπὸ notet aliquid ab aliquo loco profectum esse (cfr. Krueger I. §. 68. 16, 2. II. §. 68. 34). Euripidem imitatus est Ovid. Met. IV. 9. οἷστράν et similia (v. 974. 1221)

satis apparet ex *οἶστρος* petenda esse. Pecudes vero oestris agitatae cursus effrenati et fugae insanae exemplum praebent. Ideo hic *θηλυγενῆς ὄχλος* in montibus vagans *οἶστρος* θεῖς dicitur. —

v. 123 sq. In antistrophae initio exclamatio occurrit, quae quo tendat a se non intelligi fatetur Heathius, qui hac aliisque caussis motus scribere voluit: *Τῶν θαλάμειμα Κορρήτων ζάθεοί τε Κρητες Διογενέτορος ἐν ἀλῶ* i. e. Curetum contubernium, divini Cretenses, Iovis genitoris in aula — — invenerunt cet. Non minus Reiskio displicuit exordium, quod vulgo legitur; studebat mederi orationi reposito *ῶ* cui i. e. in Bacchi usum sive honorem invenerunt. — Ceteris ad tempus praeternissis ostendere iuvat similia exclamationis ad animi aut dolorem aut gaudium aliumve motum notandum usurpatae exempla in primis et Electrae Euripideae et Alcestidis et Andromachae (ubi vid. Pflugk.) versibus inveniri, neque quidquam, quominus hoc quoque loco servetur, obstand. *Κορρήτων θαλάμειμα* habitatio, contubernium non multum videtur differre ab antris postea nominatis, sed omnino latius patens explicatur quodammodo vocibus, quae deinde leguntur, non solum *ἄντροις* dicimus, sed etiam *ἐναυλοι*. Quod si item *domicilium* putaremus esse oratio varietate neglecta parum grata esset; itaque comparato *ἀλῶνος* vocabulo melius ita interpretabimur, ut sit regio inter duos montes sita, vallis; nam neque quod olim nonnullis interpretibus comprobatum erat, qui *Διογενέτορος ἐναυλοι* aut: *Iove geniti incolae*, aut *Iovis genitoris incolae* vertebant propter sententiam ab hoc loco alienam defendi potest, nec Reiskium sequi possumus, qui cum *σῆναυλοι* permutans *ἐναυλοι* hoc *sub concentu tibiarum* valere affirmat. — De scriptura libris collatis (Pal. *κρητας*; Laur. *κρητῆς* Ald. *Κρητες*; Strabonis codices varia praebent) dubitare vix fas est.

Profecto enim Elmsleius rectissime vidit *κρήτας* inter duos nominativos plurales facile in *κρήτες* mutari potuisse; „nec male,“ inquit, „legeretur *Διογενέτορος* (quod exstat in Strabonis cod. B);“ sic enim substantivis suum cuique epitheton additum esset. Libris vero iubentibus *Διογενέτορες* praeferamus, quod Elmsleius, quum *γενέτωρ* genitor et *γενέτιρα* genitrix analogiam aptam praebeant, magis activo quam passivo sensu accipiendum esse docet. Propter id ipsum, quod Iovem procreaverunt, Cretae valles *ζάθιοι* dicuntur. Iam fabulam, quam hic attigit poëta, spectemus. Iuppiter modo natus a Rhea matre, ne eadem qua ceteri liberi sorte usus a patre devoraretur, timente Curetibus Cretensibus traditus esse narratur, qui iuvenes (*Κουρήτες* et *κοῦροι* cohaerere videntur) armati pyrrhicha i. e. saltatione armata clipeos gladiis ferientes effecerunt, ut vagitus pueri in antro quodam occulti a Saturno audiri non posset. (Cfr. Preller. I. p. 103. 514.) Plura cognoscas licet ex Strabonis verbis (lib. X. c. 3. p. 469) a Bothio adscriptis. Praeter Curetas hoc loco Corybantium mentio fit, qui quum illi Cretenses et Iovis ministri fuerint, Lydiae et Phrygiae atque Rheae Cybelae attribuenti sunt. Hi quoque saltatione gaudebant, sed nequaquam pyrrhicha, maxime autem inventis instrumentis quibusdam musicis iisque summum strepitum moventibus insignes erant; quorum in numero praeter tympanum, quod statim commemorabitur, cymbalum et a nonnullis tibia Phrygia nominatur. Quomodo autem deae, Rheam Cretensem dicimus et Cybelen, eadem ratione ministri eorumque opera confundebantur, quod praeter hunc locum optime illustratur versibus Ovidii Fast. IV. 207 sq. (Cfr. Preller. I. p. 516.) — Verba *ἔνθα τριόρουθες ἄντροις*, metro apta, quae a Musgravio pro Aldina lectione etiam in Strabonis editionibus expressa *τριόρουθές τ' ἐν ἄντροις* ex B. C. G. codicum vesti-

giis, qui habent ἔνθα τρικόρυθες ἐν ἄντροις, restituta sunt, servamus, coniecturis reiectis et Brunckii, qui dedit τρικόρυθες γ' ἔν' ἄντροις, quia metro repugnat, et Schoenii vel potius Dobraei (cfr. Fixii adnot. crit. ad v. 123), qui scripserunt τρικόρυθες ἔνθ' ἐν ἄντροις, quia sic τρικόρυθες in prima sede collocatum nimia vi praeditum videtur esse. — Dativi (ἄντροις) sine praepositione a poëtis tragicis de loco usurpati exempla affert Krueger (II. §. 46. 2). — Corybantes τρικόρυθες dicuntur non quod re vera tribus galeis instructi erant, sed — Lobeckii verbis utimur (ad Soph. Ai. p. 358) — ob triplicem galeae marginem, qui trium galearum superimpositarum speciem reddebat. Efficiebatur autem margo ille „clavulis in fronte galeae positis et continuatione ad laminae speciem productis.“ Qui explicandi modus multo praestat alteri Musgravii, quo ad τριλοφίαν i. e. genus galeae tribus cristis insignitum, ducibus tribunisque, ut videtur, proprium relegamur. Hoc quoque epitheto Corybantium et Curetum confusionem indicari putamus; nam κρηβάσται, quas capitis tegumenta Corybantas habuisse Lobeckius affirmat, certo non galeae, sed tiarae fuerunt (vid. Herod. V. 49, 7, VII. 61, 2); Curetas contra galeis indutos fuisse constat. — βυσσότονον κέκλωμα Eustathii verbis ab Elmsleio laudatis (p. 771. 54 ἐκεῖ ἐνθάδε ἀνλὸς καὶ τύμπανον, ὃ βυσσότονον κέκλωμα Εὐριπίδης καλεῖ) edocemur esse tympanum, quod re vera est circulus corio inductus (cfr. Eur. Hel. 1347). — τόδε i. e. quod in manibus habeo, ideo adiectum videtur, quod βυσσότονον κέκλωμα non vulgaris tympani appellatio fuit. — μοι quasi abundans delere voluit Reiskius aut cum τόδε coniunctum pro τόδε ἐμὸν positum accipere. Nobis est simplex dativus commodi, explicandus: in meum usum sc. invenerunt. —

v. 129 sq. Pervenimus ad locum, qui a libris tam cor-

ruptus traditus est, ut nemo fuerit interpretum, qui in eorum verbis acquieverit. Aldina reliquaeque veteres editiones, a quibus cod. Pal. discrepare non videtur, habent: ἀνὰ δὲ βακχείῳ συντόνῳ κέρασαν ἡδυβόα Φρυγίων ἀλῶν πνεύματι (sine sensu, ut A. Matthiae ait); Laur. incertum βακχεία an βακχία; Par. G. βακχία; Strabo denique: ἀνὰ δὲ βακχείῳ συντόνῳ κέρασ' (al. κέρας) ἀνὰ δύο βοᾶν (al. βοᾶν) φρυγίων ἀλῶν πνεύματι. Quibus comparatis nobis quidem vitium praecipuum in vocabulo βακχεία, quum et metro adversetur et cuius explanatio apta inveniri non possit, inesse probabile est. Variis modis viri docti lectioni mederi studuerunt; Brodaeus legit: ἀνὰ δὲ βακχείᾳ — — — ἡδυβόᾳ, quod dicit esse σὺν τῇ βακχείᾳ ἀνεκέρασαν. Barnesius et Portus βακχεία servaverunt; Portus praeterea βακχείαν σύντονον scribens φωνήν addi iussit, qua in re Heathius et Brunckius ei assensi sunt. Reiskio placuit βακχείῳ (sc. πνεύματι) aut βακχείαις, ut constructio sit: συνεκέρασαν πνεύματι ἀλῶν Φρυγίων (i. e. tibiis Phrygiis) συντόνῳ (ἐν) βακχείαις. Quae omnia vel aliis caussis neglectis propter metrum ferri non possunt, quum in sede secunda versus Glyconii dactylus strophico ἐνδυτὰ respondens desideretur. — Musgravius Aldum secutus tamen „legendum, ni fallor,“ inquit, „βάκχικα (vel potius βακχικά) subintelligendo ὄργια sive ἱερά;“ et paullo post: „ἡδυβόα legendum puto cum Barnesio ἡδυβοᾷ (sic), sive id casu in Barnesianae contextum venit sive aliter.“ — Sed re vera mirum eloquendi genus esset, quo sacra Bacchi cum suavi tibiarum sono misceri dicerentur. Βάκχια A. Matthiae quoque recepit, quem laudans Elmsleius: „Tandem,“ inquit, „veram scripturam metro quoque necessariam protulit Matthiae. Idem valet ἀνὰ δὲ βάκχια quod ἐν βακχίοις.“ Quam explicationem duo adversarii acerrimi Hermannus et ipse A. Matthiae reiiciunt. Atque

Hermannus quidem, postquam τὰ Βάκχια Bacchanalia esse non posse, quippe quae potius τὰ Βακχεῖα essent, optime demonstravit, omnino huic loco sacrorum Bacchi commemorationem aptam esse negat. „Vide enim,“ haec eius sunt verba — „quid Elmsleii interpretatione admissa dicat chorus. In Creta, inquit, Corybantes invenerunt tympanum, idque in sacris Bacchicis Phrygia tibia temperatum dederunt Rheae, a qua acceptum Satyri sacris Bacchi adhibuerunt. Itane vero? Num Satyri ab Rhea accipere tympana et in sacra Bacchi inferre potuerunt, si ea iam usitata in his sacris erant, priusquam illi ea acceperant ab Rhea? Repugnant haec; nec tantum repugnant, sed continent etiam, quod plane falsum est. Neque enim Corybantes tympana Bacchi sacris invenerunt ac tum dederunt Rheae, sed Rheae gratia fabricati sunt, quo ne Saturnus vagitum Iovis audiret.“ A. Matthiae autem, se male intellectum ab utroque viro docto non iunxisse ἀνὰ βάκχια, sed ἀνεκέρασαν δὲ βάκχια sc. ἄσματα vel μέλη affirmat, et τὰ βάκχια ut τὰ ἐπινίκια, τὰ ἐπιθαλάμια, similia usurpari posse credit. Tmesin igitur statuit, quam Hermannus quidem imperite factam nominat, si vocabulum sequatur, cum quo, qui haec recitari audiat, facilius quam cum verbo (κέρασαν) praepositionem construat; sed hoc certe argumento A. Matthiae non motus est; quae enim addidit: „Imperite igitur Euripides supra v. 80 scripsit ἀνὰ θύρσον τε τινάσσων“ — haec per irrisum dicta esse apparet. Nobis eiusmodi tmesin tolerandam esse exemplis a Kruegero (II. §. 68, 48. 4) allatis satis constat, quam sententiam Schoenius quoque amplectitur. Sed antequam alia in medium proferimus, Hermannii consilia perspiciamus, qui aliis coniecturis, quas ipse excogitavit, reiectis summopere Βακχάδι scribendum commendat; in reliquis nihil mutat, nisi ἡδυβόα, pro quo ἡδυβόα ponit. Habet igitur vir doctissimus haec:

ἀνὰ δὲ Βακχάδι συντόνω | κέρασαν ἡδυβόα Φρυγίων | ἀέλων
 πνεύματι, quorum hunc sensum esse debere asseverat: „Tem-
 perarunt tympana concordante Bacchico Phrygiarum tibia-
 rum spiritu.“ — Nihil impedit, quominus συντόνω, etsi
 primo loco et saepissime est: *contentus*, *acer*, *acutus*, tamen
 de *concinente* et *concordante* accipiamus, quam interpreta-
 tionem certe verbis σύντονα τοῖς σοῖς γράμμασιν ἀνδῶ (Eur.
 Iph. Aul. 118) defendi putamus, quum ceteris locis ab Her-
 manno collatis minus apta videatur. Etiam hoc concedamus,
 Βακχὰς voci significationem a viro doctissimo constitutam,
 quae est: qui Bacchico furore plenus est — tribuere licere,
 quamquam Βακχιάς simillimum et Βακχίς praecipue de
 Bacchi comitibus usurpantur. — Constat praeterea gram-
 maticorum auctoritate formam Βακχάδι femininam recte con-
 sociari cum neutrius generis nomine πνεύματι (cfr. Bernhardy
 p. 50 sq., Pflugk. ad Hel. 1301). — Sed Hermannus ipse:
 „Βακχὰς quo exemplo firmem,“ inquit, „non habeo.“ Quae
 quum ita sint, nemo ut id, quod nusquam legitur, fide di-
 gnum a nobis indicetur, postulet. — Accedunt leviora quae-
 dam argumenta, quibus non gratam censendam esse Her-
 manni scripturam demonstratur. Primum enim desideramus
 accusativum rei, quae misceatur sive quae temperetur Bac-
 chico illo spiritu; nam non facile ex verbis superioribus
 τύπανα vel, quod A. Matthiae merito praefert, κτύπον τυμ-
 πάνων intelligetur. Deinde minus placent epitheta tria in
 vocem unam (πνεύματι) congesta. — Restat, ut quae Schoe-
 nius proposuit: ἀνὰ δὲ βάκχια συντόνων κέρασαν ἡδυβοῶν
 Φρυγίων ἀέλων πνεύματα — examinemus. Mutavit ἡδυβόα
 et πνεύματι atque verti iussit enunciatum: Miscuerunt (sc.
 tympano vel sonis tympani) Bacchicos spiritus acutarum
 (aut concordantium) dulcisonarum Phrygiarum tibi-
 arum. Quae modo contra Hermannum disputavimus, etiam contra

Schoenium paullo mutata valent: dativos inviti deesse videmus, epitheta in αὐλῶν voce coacervata displicent. Praeterea si Schoenius, de qua re tacet, συντόνων maluit esse: acrium, acutarum quam concordantium; huius adiectivi notionem cum alterius ἀδυβοῶν pugnare apparet. Tamen haec ferri possunt neque dubitamus, quin βάκχιος translata notione, ut sit: *Bacchico modo excitans* aut omnino: *divino instinctu tangens* usurpare liceat (cfr. Soph. Trach. 220 βακχίαν ὑποστρέφων ἄμιλλαν). — Quod si concedatur, nobis non ineptum videtur refugere ad hanc scripturam non multum a libris recedentem:

ἀνὰ δὲ βάκχια συντόνω
κέρασαν ἀδυβοῶν Φρυγίων
αὐλῶν πνεύματι,

quam ex parte A. Matthiae secuti reddimus: *Bacchicos* (i. e. Bacchicum quid et multae concitationis plenum sonantes ideoque divino instinctu tangentes) *clamoses miscuerunt concordanti spiritui dulcisonarum Phrygiarum tibiatarum*; ita ut ex superioribus nihil repetendum sit et ad tympani tibiatarumque sonum novum strepitus genus adiiciatur, clamores vocis humanae dicimus; quae omnia nimirum sic intelligenda sunt, ut pars Corybantium clamare, pars tibiis canere credatur. Talia in Bacchicis certe sacris usitata fuisse cognoscimus ex Ovid. Met. IV. 28 sq., III. 532—6., VI. 589. 597. Ex Strabonis verbis supra indicatis huc pertinent haec: μετὰ τυμπάνων καὶ τοιοῦτων ἄλλων ψόφων (intellige cymbala) — — καὶ θορόβου (quod vocabulum saepissime de hominum clamore usurpari constat). Videas etiam v. 160: ἐν Φρυγίαισι βοᾷς ἐνοπαῖσί τε. — Quod si cui vocabuli συντόνω interpretatio nostra minus probetur, is συντόνω πνεύματι: *acri spiritui* vertens ἀδυβοῶν ita dictum esse existimet, ut sonum non tam auribus quam animis (sc. eorum, qui

orgiis delectantur) dulcem sive gratum significet. — ἄδυβοῶν scribimus non ἡδυβοῶν, cum Elmsleio, Kirchhoffio, Schoenio, Nauckio, quamquam Hermannus hoc Dorismo Euripidem propter duplex *α* in hac voce usum esse negat, confisi Strabonis librorum verbis corruptis ἀνὰ δύο βοῶν. — Quibus parem fidem non habemus in versu sequenti, ubi pro Aldinae lectione κτύπον ἔν τ' ἄσμασι Βακχῶν (B et C a pr. m. ἔν ἄσμασι, C a sec. ἔν τ' ἄσμασι) praebent καλλίκτυπον εὐᾶσμα Βακχῶν. Musgravius ut illud καλλίκτυπον servaret, audacter hanc mutationem proposuit: — πνεύματι, θῆραν τε 'Ρέας εἰς χεῖρα καλλίκτυπον εὐᾶσμασι Βακχῶν, ita alteri quoque vitio occurrens, quod in ματέρος vocis post brevissimum interval- lum invenuste factam repetitionem inesse opinatur. Quam coniecturam et Brunckius et A. Matthiae receperunt; sed hic in commentario hoc a se factum esse se ipsum mirari dicens Canteri emendationem a Barnesio, Elmsleio, Hermanno, Kirchhoffio, Schoenio, Nauckio probatam (εὐᾶσμασι pro ἔν τ' ἄσμασι) defendit. Subiectum totius enuntiiat longius repetendum est tympanum, et verba 'Ρέας εἰς χεῖρα θῆραν optime illustrantur Rheae imaginibus, in quibus eam tympanum manu gerentem conspiciamus. Quae sequuntur κτύπον εὐᾶσμασι Βακχῶν praedicati locum tenent et explicanda sunt: ὥστε εἶναι κτύπον i. e. efficientes, ut tympano strepitus clamoribus laetis Baccharum aptus ederetur. —

Iam poëta progreditur in hac tympani, quae videtur, historia narrans, quomodo ad Bacchi tandem orgia translatum sit. Satyri furentes, inquit, παρὰ ματέρος ἐξανύσαντο θεᾶς. -- Quae optime Brunckius explicavit scribens: „A Matre Magna furentes Satyri impetrarunt, ut sibi tympanum concederet. ἀνύσασθαι τι παρὰ τινος est: opera aut precibus aliquid ab aliquo consequi. Theocr. Idyll. 5. i. f. Aesch. Prom. 706.“ — Omnes mutationes a viris doctis commenda-

tae nihil faciunt ad locum sive elegantiorē sive dilucidiorē reddendum, id quod neminem fugit, qui perspexerit Brodaeī coniecturam *Θείας spectacula*, quae ex falsa illa verbi *ἐξάνυσαντο* interpretatione *peregerunt*, qua admissa orgia intellexerunt, profecta est; aut lectionem a Musgravio propositam *ματέρος ἐξάνυσαν τέλετας*, in qua maxime *ματέρος* vocabulum pro matris magnae appellatione simpliciter usurpatum offendit. Quod vero Hermannus scripsit ex Strabonis libris *Πείας* pro *Θεᾶς*, ea invenusta repetitio videtur. — Tympanum a Cybele acceptum Satyri *εἰς χορεύματα συνῆψαν* (Strabonis libri *προςῆψαν*) *τριετηρίδων*, quo in enuntiato pro dativo praepositionem *εἰς* propter motus notionem, quae in verbo inest, cum *συνάπτειν* coniunctam videmus. *τριετηρίδες* sc. *ἑορταὶ* erant dies festi tertio quoque anno in honorem Bacchi non solum, sed etiam Neptuni et Iunonis acti; hoc loco nimirum ad Bacchi sacra referri vocabulum oportet (cfr. Schoemann, griech. Alterth. II. p. 478). Diodorus Siculus (IV. in.) Trieterica in Indicae Dionysi expeditionis triennio confectae memoriam apud Thracas (Ovid. Met. VI. 587) primum et Thebanos (Virg. Aen. IV. 301) a deo instituta esse narrat (Cic. de nat. deor. III. 23). — Recte Hermannus in extremo antistrophae versu videtur *αἷς* ex Strabonis libris pro *οἷς* vulgata lectione admisisse, „ut quo efficiatur,“ inquit, „ne *τριετηρίδων* supervacaneum sit.“

v. 138 sq. In epodo poëta descriptionem orgiorum praebet, qualia ipso deo ducente in montibus a Bacchis celebrari solebant. Bacchum vero ducis munere fungentem fingi satis apparet ex iis, quae leguntur inde a v. 147 vel potius a v. 144. Sed dubitari potest, utrum in superioribus quoque versibus de Dionyso sermo fiat, an verba, quae in vv. 138—43 inveniantur, de comite quodam, qui colat et sectetur deum, accipienda sint. Si Fixium sequi liceret,

qui puncto, quod vulgo post *Διώνυσος* reperitur, deleto antistropham et epodum artissime iunxit, omnia sine dubio ad Dionysum pertinerent; sin autem coniecturae aut Hermannii, qui scripsit *ὄς τ' ἄν*, aut Schoenii, qui edidit *ὄς ἄν*, aut Musgravii, qui postea pro *πέσῃ πεδόσε, νεβρίδος ἔχων* legendum esse censuit *πέσῃ πεδόσ', ὁ νεβρίδος ἔχων* nobis placerent, nos toto loco de dei cultore chorum loqui affirmare oporteret. Quae omnia nobis quidem non arrident; primum enim Fixius, quod recte Hermannus videtur postulare, epodum nova atque integra sententia debere incipere, prorsus neglexit, quamvis hanc regulam non ita intelligamus, ut nullo pacto neque notiones ex superioribus petere, neque verba artioribus vinculis iungere iubeamur. (Cfr. v. c. *γὰρ* particula in Soph. Oed. Col. 1239; *ἀλλὰ* particula in Soph. Ai. 194 et 877). Deinde quae Hermannus proposuit, perfecta esse patet ex falsa totius loci interpretatione, quam sic expressit: „libenter est in montibus, quum in aequore campi venatur.“ Talia si legerentur, sine dubitatione ad viri doctissimi sententiam accederemus, qua repugnantiam his in enuntiatis conspicuam tollendam esse censet. Quod vero contendit de Baccho sermonem esse non posse, quia paullo post scriptum sit *ὁ δ' ἔξαρχος Βρόμιος εὐοῖ* — non enim, ubi idem nominetur, ipsum sibi opponi posse; recte A. Matthiae eodem iure dici monet, verba *ὁ δ' ἔξαρχος Βρ.* non posse ad Bacchum pertinere, quoniam (v. 131) sequatur *ὁ Βαχχεὺς δέ* —; i. e. plurimum interesse, quo referatur particula *δέ*. Neque vero plus ponderis habet, quod Hermannus affirmat a choro sortem Bacchi cultorum praedicente dici debere bene iis in montibus, bene etiam in campis esse. Quibus praemissis verba, de quibus agitur, sic vertit: „Laetitia plenus est, in montes, quique ex velocibus thiasis in campos se contulerit,“ addens pronomen, ut copula

indicet, semel positum esse, quum proprie bis poni debuerit: ἡδύς, ὃς ἐν οὐρεσιν, ὃς τε πέσῃ πεδόσε. Primum haec ipsa pronominis repetitio totam rem suspectam reddit; vix enim exempla afferantur, quibus doceamur ex iis, quae sequantur, arcessendum esse relativum ad ea, quae antecedant. Deinde πεδόσε nusquam valet: *in campos*, sed *in solum*, *in humum* (cfr. v. 593). Denique πίπτειν verbo simplicem se conferendi notionem tribuere non licet; nam πέσωμεν ἐνὶ νήεσσι (Hom. Il. 13, 742) et πεσὼν ἐν βουσί (Soph. Ai. 375), quae hoc loco propter ἐν οὐρεσιν optime comparantur, hostilem impetum in eas res, quae in dativo casu positae leguntur, notant; aut ut in illis πέσεν ἐν κονίῃσιν (Hom. Il. 13, 205) significatur prolapsus aliquem in pulverem ibi prostratum manere; quae omnia huc non pertinent. Quibus perpensis prorsus nihil est, quo ut assentiamur Hermanno impellamur. Ad Schoenii autem sive Musgravii coniecturas, quarum neque in ratione grammatica verborum, neque in significatione nos non haerere concedimus, tum demum refugendum erit, quum ex vulgata lectione, quae est ἡδύς ἐν ὄρεσιν (ὄρεσσιν), ὅταν ἐκ κιλ., nullo modo sanam sententiam elici posse cognoverimus. Iamiam neminem fugit toto loco descriptionem eorum, quae deus ipse peragat, factam esse nos credere. Verba autem Latine sic exprimenda sunt: Suavis est (sc. Dionysus), quando in montibus ex thiasis velocibus concidit (vel se proiicit) in humum; aut ut explicatius dicamus: Suavem praebebat aspectum Dionysus, quando in montibus derelicta comitum turba, cum qua modo bacchabatur, prolapsus humi cernitur. Repetimus igitur ex superioribus Αἰόωντος, adiicimus ἐστίν, quo interpretandi modo quid simplicius excogitari possit, non videmus. Similiter sententias strophae et antistrophae secundae inter se conexas esse luce clarius est; nam ibi quoque vocabulo extremo strophae τὸν

Βρόμιον poëta sibi transitum ad novas quasdam res satis diversas a prioribus parat. Sed quaesiverit fortasse quispiam, cur suavis dicatur Bacchus iis, quae enumerentur, peractis. Nonne suavissimum debet esse Bacchi cultori spectaculum, quum viderit deum participem omnis comitum laboris, laetitiae, effrenatae licentiae? Hoc ipsum enim Dionysum prorsus parem Maenadibus se gerere praesentis participiis, quae sequuntur, declaratum nobis videtur. Praeterea noli dubitare credere deum ipsum interdum ducem fingi thiasorum, quum alibi (in v. 675) mulieres nominentur; praeter ea, quae postea occurrunt, conferas v. 574. — Accedamus ad singula: in initio carminis levissimum distinctionis signum aut post ἡδύς, aut post ὄρεσσιν positum sententiam quidem non mutat; aptior tamen eius locus post ἡδύς videtur esse. — ὄρεσσι ut in v. 76 scribimus cum Elmsleio, ut primus versus ex duobus paeonibus constet, quod metrum saepius in epodo invenitur. — *δρομαῖοι* nominantur thiasi, quia cursu incitato per montes feruntur (cfr. v. 719. Eur. Hel. 1319. Alc. 244). Pro Aldinae verbis πέση πεδόσε Pal. habet πεύση (littera *v* puncto notata) πεδός σε, „unde nihil extrico,“ adiicit Elmsleius. Coniecturis Reiskii, qui maluit πεδόθε i. e. ex agro plano et humili, et Musgravii iam antea commemorata, qui praeterea proposuit ἡδος (voluptas in montibus i. e. magna, eximia voluptas) optime nos carere possumus. Neque quidquam moramur Musgravium descriptionem hic a choro adornatam satis cohaerere negantem ideoque gravissimam hanc mutationem suadentem — ἀρτύων | αἶμα τραγοκτόνον, ὀμόφαγον (sic) χάριν | ἴμενος ἐπιχαρέα Φρύγῳ, Ἀύδιᾳ i. e. apparans caedem hirei, crudivoram voluptatem, modulans laetos sonos, Phrygios, Lydios. Omnia enim bene se habent, si nostra demonstratione probata memineris temporum rationem accuratam non debere postulari, quum hic

generaliter et poëtice ab Euripide totam rem tractari apertum sit. *ἔδντιον* pro *ἔδντων* apud Matthiaeum et Schoenium deprehendimus; mendum esse ducimus (cfr. v. 114, ubi uterque *ἔδντιὰ* habet); neque aliter de lectione *ἀγορεύων* cod. Pal. et Laur. a. pr. m. iudicamus. — Ad *αἶμα τραγοκτόνον* adnotat Elmsleius *αἶμα* hic *φόνον* significare, ut praeterea in Eur. Orest. 284. 833 (ubi vid. Klotzium) 1039. 1139. 1619. Iphig. Taur. 375. Cycl. 127. — Bacchas autem et capros et alia pecora venatas esse et diripuisse cognoscere licet ex huius fabulae vv. 725 — 39 (cfr. *κύνες* in v. 723. 972). Ex Apollodori narratione (bibl. III. 5. 2), neque minus ex fabulis de Orphei (Ovid. Met. XI. in.) et Penthei morte ne hominibus quidem eas pepercisse apparet. Capri autem et caprae „Baccho omnibus aris caedebantur“ teste Virgilio Georg. II. 380; qui non aliam ob culpam id fieri docet, quam quod viti noceant. (Cfr. tamen Preller I. p. 561). Vesciebantur quoque carne caprina comites Bacchi eaque cruda, quo spectant verba *ῥμοφάγον χάριν*. Pro his complures editiones et teste A. Matthiae codd. Flor. 1. 2 praebent *ῥμοφάγων χάριν* i. e. voluptatem eorum, qui carne cruda vescuntur. Quibus receptis quamvis nec sententia inepta sit, nec metrum mutetur, tamen alteram lectionem, quae usui tragicorum magis respondeat, praeferimus. Solent enim poëtae substantivis adiectiva ita addere, ut in unam notionem cum illis coalescant, cuius moris exemplum in verbis *αἶμα τραγοκτόνον* exstat (cfr. Bernhardt p. 426). Si vocabula hoc modo coniuncta pedestri oratione explicare studemus, saepissime genitivus substantivi, cui similis potestas inest, adiectivi loco positus sententiam colore mutato recte reddit. Sic pro verbis *χαρμοναῖσιν ἀνδροβρωῶσιν* (Herc. fur. 384) Pflugkius *χαρμοναῖσι βρωῶς ἀνδρῶν* vel *ἀνθρωποφαγίας* declarans adscripsit; hic quoque recte pro *ῥμοφάγον χάριν* substituere

licet *ῥμoφaγίaς χάριν* i. e. voluptatem, quam aliquis ex crudis carnibus comesis capit. — Elmsleius multa ad hunc locum attulit, quibus Bacchas eiusmodi epulis delectatas esse eluceat. Plura de *ῥμoφaγίa* et Dionyso *ῥμυστή* invenies apud Prellerum I. p. 542. 544. — *ἔμμενος* idem atque *ῥομώμενος*. — *Φογία*, *Ἀύδια* vocabula per asyndeton posita, tamen artissime propter significationem coniuncta sunt; et in Phrygia et in Lydia sacra Bacchi frequentissima celebrabantur. — Elmsleius ad marginem scripsit *Ἀύδια* θ', hiatus vitandi caussa. Sed recte Hermannus: „Apertum est,“ inquit, „in pronuntiando pausam fieri debere post *Ἀύδια*, quum numeri huius versus non possint cum sequentibus numeris continuari; haec pausa facile admittit hiatum.“ Reiskii coniectura — — *Φογία αὐδᾷ· ὅδ' ἔξαρχος*, quae convertenda est: clamat, hic est (i. e. ego sum) Bromius, euoë! carminis sonus concitator extenuatur. Optime enim, quae sequuntur, sic accipi putamus, ut exclamationis interpositae locum teneant: *Bromius dux, euhoë!* — quam ut emittat chorus imagine orgiorum adumbrata, quae velut in rem praesentem perducere audientes videatur, impellitur. Quod alii maluerunt: *Dux est Bromius, euhoë!* non minus verbis respondet, sed languidius est. Prorsus vero a loci sententia abhorret, quod Hermannus probavit: *ὁ δὲ* (sic), *ὁ Βρόμιος, ἔξάρχεται τοῦ εὐοῦ λέγειν*. — De *ὁ δὲ* vocabulorum usu apud Atticos rariore, quo subiectum enuntiati antecedentis notatur, non novum introducitur cfr. Bernhardy p. 310. Kruger I. §. 50. 1. 4 et ad Xen. Anab. 4, 2. 6. — *ἔξαρχος* vocem bene illustravit Elmsleius loco Demosthenis (de corona 516. B.) laudato, ubi iunguntur *ἔξαρχος καὶ προηγμένων*; significatur is, qui choro dux praest. —

v. 145 sq. Sequitur miraculorum, quae in Bacchi sacris fieri credebantur, descriptio; plenior saepe in huius fabulae

vv. 697—704 et 750 sq. datur. Similia leguntur apud Horatium, carm. II. 19, 9 sq., in Plat. Ion. p. 514. A. — Eiusmodi autem prodigiis, quae artis opera efficere solebant, Bacchi sacra plebis animis maxime commendabantur. Verba ipsa in memoriam revocant locum Exodi 3, 8. LXX. εἰς γῆν ῥέουσιν γάλα καὶ μέλι. ῥεῖν et cum genitivo (Krueger I. §. 47, 16. 8) et a poëtis cum dativo (Krueger II. §. 47, 16. 5) et cum accusativo (Bernhardy p. 110) coniungitur; itaque νέκταρ Pal. cod. leges grammaticas non laedit; tamen νέκταρι propter ceteros dativos certo praestat; item vulgata Συρίας Pal. scripturae Συρείας, quae alibi nusquam occurrit, anteponenda est. — Reiskius: „Sic digerendi et scribendi sunt versus,“ inquit: Συρίας δ' ὀλιβάνον καπνὸς | (olibanum est idem atque thus) ἐκ νάρθηκος αἴσσει. | ὁ Βακχεὺς δ' ἔχων | πυσσώδη φλόγα πένκας | δρόμῳ cet. Cui coniecturae, quippe quae impedimenta duo uno quasi impetu perfringeret, assentiri non dubitarem, si, quin alio modo totus locus explicaretur, fieri non posset. At ne iudicium specie falsa capti videamur tulisse, neque ulla librorum auctoritate scripturam illam defendi, neque usquam a nobis certe ὀλιβάνον formae ¹⁾ vestigia reperta esse fateri decet. Accedit quod verba nihil omnino habent, quod enucleari non possit. Neque vero eorum consilium audiatur, qui simplex ἐστὶν intelligendum esse contendunt, quo facto oratio satis ieiuna redditur. Utitur enim poëta hic illo βραχυλογίας genere, quod a nonnullis comparisonis compendiariae nomine notatum in eo cernitur, ut omittatur alterum comparisonis membrum, quo quid compareretur, definitur. (Cfr. Bernhardy p. 455. Krueger §. 48, 13. 9). Ergo hoc loco plenius scribendum est: καπνὸς δὲ

¹⁾ Pharmacopolae nimirum scribunt: Olibanum (i. e. fortasse oleum libani) Indicum. Sed succurramus Reiskio cum libris legentes ὡς λιβάνον.

ὥς Συρίας λιβάνου καπνὸς — ἀναφέρεται sc., aut καπνὸς ὁμοιος τῷ τοῦ Συρίας λιβάνου καπνῷ. — Si Συρίας malumus esse adiectivi quam substantivi genitivum, quo, unde tus proficiscatur, indicetur, λιβάνου vocabulo genus femininum attribuendum est. Omnino autem λίβανος i. e. frutex turifer λιβανωτοῦ i. e. turis ipsius hic locum tenet. Denique cave Syriam credas esse patriam turis, quod aut ex India aut ex Arabia felici vel potius ex Saba in illam demum terram allatum esse satis constat. (Videas Wineri biblisches Realwörterbuch II. 681) A Graecis vero Syrium hoc suffimentum nominari poterat, quia e Syriis sive Phoeniciis portubus advehebatur. „Verba, quae sequuntur, in Laur. cod. a pr. m. sic disposita sunt: ὁ βακχεὺς δ' ἔχων πῦρ: ἐκ νάρθηκος ἀΐσσει. | πυρσώδη φλόγα πέυκας. Corrector πῦρ delevit, transpositionis notas β, α addidit.“ — Quaeritur, quomodo verba coniungenda sint. Barnesius ἀΐσσει transitive putat adhibitum esse et vertit: *ex ferula emicare facit*. Quam explicationem reiecta Piersoni coniectura αἰθύσσει Musgravius probans haec adiicit: „Videntur Bacchantes taedas suas non manibus prehensas, sed ferulis insertas gestasse.“ Primum quidem non infitias imus ἀΐσσειν cum accusativo coniungi (efr. Bernhardy p. 110) atque ita legi v. c. in Eur. Orest. 1429, ad quem locum plura exempla collegit praeter Porsonum Klotzius, qui interpretatur: *movendo excitare*. Attamen non omnes difficultates sublatas esse apparet. — Quid enim excitat movendo Bacchus aut quid ut emicet, efficit? Respondes: πυρσώδη φλόγα πέυκας, et sic ἐκ νάρθηκος quidem verba bene se habent; nam ex ferula flammam emicare recte dicemus, cum si taedas ferulis insertas cogitaverimus, tum si eo, quo postea explicabimus modo, verba acceperimus. Quale autem iudicium de ἔχων participio feremus, quum nullum reliquum esse videamus vocabulum, quocum construatur?

Poteris addere accusativum *νάρθηκα* ex *νάρθηκος* repetendum, id quod gravissime languere neminem fugit; neque multum in melius mutaveris, si *πυρσώδη φλόγα πένης* cum *ἔχων* coniunxeris. Accedit, quod moris illius, quo taedas in ferulis insertas bacchantes gestasse aiunt, nullum exemplum a viris doctis allatum videmus. Denique A. Matthiae suo iure haec scripsisse credimus: „*ἀΐσσει* recte Heathius vertit: impetu fertur. Solemnis mentio discursitationum Bacchicarum; ignis vero quassando concitati tamquam rei primariae commemoratio, quae inest in *ἀΐσσει φλόγα* paullo frigidior.“ — Revocamur igitur ad alteram interpretationem, quam praeter alios Schoenius tueretur, quippe qui *ἐκ νάρθηκος* cum *ἔχων* coniecti iubeat et *ἀΐσσει* intransitive positum esse affirmet. — Heathius hanc sententiam verbis ita redditis expressit: „Bacchus habens rutilantem flammam facis ferulae affixam (vel e ferula pendentem) impetu fertur.“ — Quae quum nobis non omni ex parte satis dilucida videantur, ut accuratius explicemus et argumentis confirmemus, nunc operam dabimus. Atque primum quidem apud omnes constat ex praepositionis principalem notionem eam esse, qua profectum aut ortum esse aliquid ex aliquo loco significet. Sic hic sine dubio flammam ex ferula oriri sive ortam esse dicere licet; at qua ratione? Iam supra demonstravimus ferulam igni recipiendo aptam fuisse, et non solum Prometheum, sed etiam aetatis posterioris homines ad hunc eius usum accessisse, Hesychius docet his verbis a Barnesio allatis: *τῷ νάρθηκι ἐχρῶντο πρὸς τὰς ἐκζωπυρώσεις τοῦ πυρός, ὅθεν κτλ.* Ignis vero sine alimentis quibusdam cogitari nequit; ergo in ferulis Bacchas res quasdam igni concipiendo aptas gestasse oportet. Quidquid fuit, quod in ferularum cavos canales deponebant,¹⁾

¹⁾ Quomodo ignem elicuerint, Livius fortasse docet in lib. XXXIX. cap. 13.

si ita rem accipimus, ut materie quadam incendii capaci eos repletos esse credamus, flamma nimirum ἐκ νάρθηκος orta dici poterat. Quod si concesseris, nulla difficultate hunc locum premi facile agnosces, quum remotis iis, quae in Heathii interpretatione minus placebant, reddatur optime his verbis: *Bacchus habens* (i. e. gestans) *igneam* (igniferam) *flammam taedae ex ferula orientem* (emicantem) *ruiť*. — πένκας vox ut saepe taedam significat (cfr. Eur. Orest. 1543). Taedarum autem mentio fit, quia orgia non raro noctu celebrabantur. — πυρσώδης: propria huius vocabuli vis est πυρσῶ ὁμοιος; πυρσός autem saepe valet: *signum igne datum*, id quod hoc loco negligendum non videtur, quia ducis fax accensa bene apud omnes signi locum tenere poterat. — Nostrae interpretationi supra indicatae, quamquam per se stare potest, tamen optime convenit, quod Hermannus proposuit: ἀΐσσει δρόμῳ, χοροὺς ἐρεθίζων πλανάτας. Sed quum Pal. praebeat δρόμῳ καὶ χοροῖς (i vocis χοροῖς duobus punctis subscriptis notato) Laur. et Par. G. καὶ χοροῖς, Par. E. τοῖς χοροῖς, maiore librorum auctoritate ab iis, quae vulgo leguntur, δρόμῳ καὶ χοροῖς recedere prohibemur; et re vera non est, cur illa relinquamus. Sententiam enim ab Elmsleio bene redditam videmus verbis εἰς δρόμον καὶ χοροὺς ἐρεθίζων. — πλανάτας Bacchas hic nominat poëta, quod singulae vagantes tum demum a duce Baccho in thiasos congregari videntur. Ad ἀναπάλλων (Laur. habet verba obscura ἀν' ἀπ' ἄλλων) participium, quod saepius intransitive usurpatum occurrit, hic cum Schoenio πλανάτας repetendum esse censemus (cfr. v. 1183); neque vero excitat dormientes, quod Bothio placet; sed fessas ad novos labores clamore Bacchico impellit. — Ipsius Bacchi iuvenis indefessi imago quasi quaedam versu sequenti adumbratur; capite enim facili motu sublato coma longa per aëra sparsa conspicitur. Variæ quidem

formae fuerunt, quae Baccho tribuebantur (cfr. Preller I. p. 561); hic autem propter *τρυφερὸν πλόκαμον* voces nulla nisi nostra explicatio admittitur. *τρυφερὸν* (cfr. v. 485 *ἄβρὸν βόστρυχον*) dixit poeta, quia omnino apud veteres coma bene nutrita (v. 447. 486) et curata (v. 231. Ovid. Met. III. 555) mollitiei indicium habebatur. — Cum *εἰς αἰθέρα ῥίπτων* cfr. v. 242. 181. — Quum interpretes metrum huius versus anapaesticum esse putarent, alii alias mutationes statuerunt; Heathius *πλόκαμόν τ'*, Brunckius *πλόκαμον ἐς* (~~~~ pro ~ ~ ~), Burgesius *πλόκον εἰς* commendaverunt. Sed recte Hermannus haec omnia repudiavit, quoniam dimeter anapaesticus ab hoc loco alienus ducendus sit. Pro vulgata scriptura *ἄμα δ' ἐπ' εὐάσμασιν ἐπιβρέμει* in Laur. invenitur *ἄμα δ' ἐπεύασμασιν*; praeterquam quod *ἐπεύασμα* alibi non exstat, duo vocabula, quae cum *ἐπὶ* praepositione composita deinceps leguntur, minus grata sunt. Servamus igitur, quae vulgo scribuntur, et *ἐπὶ* sic accipimus, ut dativo, qui ex hac vocula pendet, rem significari putemus, qua adiuncta Bacchus *ἐπιβρέμει* i. e. fremebundus obstrepit (cfr. Bernhardy p. 250). —

v. 154 sq. Alterum *ὦ* (v. 155) omittunt Laur. Flor. 1. 2. Par. E. — Pro *χλιδᾷ* librorum, utpote quod aptam explanationem non admittat, aut cum Schoenio ex Seyffertii coniectura legendum est *χλιδάν*, quod: *decus* reddens ad *Διώνυσον* (v. 157) referas, aut, quod et plurimis interpretibus et nobis magis placet, *χλιδά*, ex Reiskii correctione. Cuius verbis: „O Bacchae, quae estis decus atque deliciae Tmoli“ — appositionem ad Bacchas pertinere demonstratur. Quum *χλιδή* non solum sit: *mollities*, *luxuria*, sed etiam *res vitae effeminatae et delicatae proprias* significet (cfr. Pflugkium ad Eur. Andr. 2), recte Bacchae sic nominari possunt: *delicatae græc.* — Tmolus hic *χουσορόας* dicitur, quod Pactolus e monte profluens aurum vehit teste Herodoto (I. 93, 2. V.

101, 11). Elmsleius quidem *χρυσορόα* scripsit; sed quoniam utrumque *α* ictu erectum molestiorem sonum efficiat, Hermannus *χρυσορόου* auribus optime consulens servavit. — *ἐπὶ* praepositione in verbis *ἐπὶ τυμπάνων* indicatur Baecheis cantandum esse admixto tympanorum sonitu (cfr. Bernhardy p. 268. Iphig. Aulid. 1038 et quae Pflugkius adnotavit ad Eur. Hel. 639). — *βαρὺβρομον* Euripides in Hel. v. 1305 *κῦμα ἄλιον*, v. 1351 *αὐλὸν* appellat, et in Phoen v. 183 *βρονταὶ βαρὺβρομοὶ* commemorantur, e quibus vocis notionem cognoscere licet. (Vide etiam Ovid. Met. IV. 391.) — *εὔια* adverbii locum tenens cum *ἀγαλλόμεναι* coniungas et reddas: *Bacchico more celebrantes*. — *ἀγάλλεσθαι* hic, id quod rarius occurrit, activae formae vim et ideo accusativum adsumpsit; saepius est: gaudere, delectari aliqua re. — *εὔιος θεός* (cfr. v. 1159; etiam simpliciter *Εὔιος* v. 557. 570). Bacchus appellatur a nota illa *εὔα* sive *εὐοῖ* voce in orgiis usitata, de qua audias Lobeckium in Aglaoph. p. 1041 sq. — *ἐν* hoc loco instrumenta indicans *παρέλκει* i. e. redundat ex Bothii iudicio (cfr. Bernhardy p. 213). Phrygias voces non alienas fuisse a Baechei cultu ex eo colligere licet, quod cum sacris ipsis etiam nomina et mores transferri solent. Cuius rei exemplum tibia Phrygia in verbis, quae sequuntur, commemorata praebet. *λωτός* nominatur (cfr. Eur. Hel. 170. Alc. 346), quod tibiam e ligno duro et fusco arboris cuiusdam Africanæ, cui *loto* nomen erat; fabricabantur. — *εὐκέλαδος* epitheton illustratur verbis *ἀδυβοῶν αὐλῶν* v. 130 sive *αὐλὸς καλλιβόας* Soph. Trach. 640; atque non inepte *βρέμειν* usurpatum est, quod sonus tibiae illius multo gravior et flebilior quam nostrae erat. — *ἑρὰ παίγματα* sunt modi, quibus in sacris adhibitis ad iocum et ludum Bacchæ vocantur. — Verba *σύνοχα φοιτάσιν* Heathius reddit: *continen- ter vagantibus*, ita ut dativus ex *βρέμειν* pendeat; sed

talia hoc loco non expectamus; praeferimus igitur Elmsleii interpretationem: *congrua*, qua *σύννοχα* ad *παύματα* relatum cum dativo *φοιτάσιν* iungitur (cfr. Eur. Hel. 171, ubi Pflugkii: „σύννοχα i. q. συνφδά v. 174“). Neque vero postea cum viro doctissimo sentimus; non enim credimus *φοιτάσιν* (Elmsleius *Φοιτάσιν*) aliud quidquam significare quam euntibus vel insane procurrentibus, nempe *Μαινάσιν*; simplex epitheton est ut antea *πλανάτας* et *δρομάδες* (v. 730), nequaquam nomen proprium Bacchas notans. Sententiam suam Elmsleius ideo amplecti videtur, ut *εἰς ὄρος, εἰς ὄρος* vocabula facilius cum *κῶλον ἄγει* conectere liceat; nam si idem est atque *Μαινάσιν* apparet *εἰς ὄρος* verba non posse ad *φοιτάσιν* referri. — Nihil contra impedit, quominus ex adiectivo *φοιτάσιν* pro *φοιτώσας* posito *εἰς ὄρος* pendere dicamus, quum motus notioni bene terminus addatur. Sic liberamus difficultatibus, quibus Musgravius et Elmsleius locum premi putant, quod non facile sit dictu, a quo verbo vel participio pendeat *εἰς ὄρος*. Quomodo ab altero scrupuli tollantur, modo exposuimus; alter, Musgravius dicimus, sibi verisimillimum esse ait poëtam *εἰς ὄρος* construi voluisse cum *ὦ ἦτε Βάκχαι* (v. 154) novem versibus *διὰ μέσον* quodammodo positus. Ita duplex *εἰς ὄρος*, quod habent libri, fortasse retineri potest; sed longius sane haec repetita esse totumque locum a tali interpositione abhorrere neminem fugit. Quae deinde Elmsleius proposuit, primum ideo non probamus, quod *εἰς ὄρος* duplex cum *κῶλον ἄγει* coniungendum verborum sententiae minus aptum iudicamus; nam neque adhortandi causa haec pronuntiantur, neque ut supra (v. 119) orationem commotiorem putamus esse. Recte enim Musgravius hic iterum narrativam fieri dictionem monet, choro docente Bacchas talibus vocibus, quales verbis antecedentibus exhibentur, delectatas ad choreas agendas se convertere. Qui-

bus perpensis optime ab Hermanno factum esse censemus, ut alterum εἰς ὄρος deleteret, quamquam vir doctissimus metri caussa, non sententiae librorum scripturam neglexit, ne numerorum aequabilitas in extrema epodi parte conspicua perturbaretur. — Tum, ut ad Elmsleium redeamus, minime placet locus, quem δ' ἄρα particulis tribuit, quae ut potuerint sedem usitatam relinquere, cur post quintum demum vocabulum positae sint, nihil caussae est; sin autem εἰς ὄρος ἡδομένα δ' ἄρα legimus, omnia recte se habent, et particulis, quum maiorem vim quam simplex δὲ habeant et Latinis: scilicet, nimirum respondeant, ultimum enuntiatum, ut nostrae explanationi convenit, ab antecedentibus accurate distinguitur. — In extremis verbis et interpungendis et legendis Musgravium sequimur, qui πῶλος — — φορβάδι a ceteris seiunxit et pro vulgata scriptura Βάκχον recepit Βάκχα. — Βάκχον σκιρτήμασι quidem, quum valere possit: *saltationes, quorum auctor est Bacchus*, nihil offensionis habet; sed ἄγει vocem nomine, cui iungatur, inviti carentem videmus. Optime Bacchae pullo equae pascentis comparantur, quippe quae cursu et saltationibus in pascuis vagantem et luxuriantem imitentur. πῶλον de omnibus corporis membris usurpatum epitheto ταχύπουν satis definitur (cfr. v. 658. Eur. Hel. 1301), cui vocabulo notionem substantivi, ad quod accedit, iterum inesse cernimus ex more poëtarum non raro occurrente, de quo iam supra diximus. — Verbis autem πῶλον ἄγειν σκιρτήμασι i. e. *pedem celerem saltationibus agitare sive circumāgere*, apparet saltandi motum depingi. Denique quod Reiskius maluit, Βάκχος, eo efficitur, ut verba ἡδομένα δ' ἄρα non habeant, quo referantur; Burgesii vero coniecturam ἄγω — Βάκχον, qui quem nos defendimus sententiarum nexum iustum duxerit, non probabit.

LIBRARY OF CONGRESS



0 003 047 647 5

021 22, 1968

PA 3973

.B2 S5

Copy 1

LIBRARY OF CONGRESS



0 003 047 647 5